

PM akan rasmi projek baik pulih sungai

Kuala Terengganu: Perdana Menteri, Datuk Seri Najib Razak, akan merasmikan majlis pecah tanah projek pemuliharaan muara Sungai Kuala Besut sempena lawatan kerja dua hari ke negeri ini pertengahan bulan ini.

Menteri Besar, Datuk Seri Ahmad Razif Abd Rahman, berkata projek bernilai RM250 juta itu dijanjikan Kerajaan Pusat ketika kempen Pilihan Raya Kecil (PRK) Kuala Besut pada 2015.

Katanya, Projek Pemuliharaan

Muara Sungai Kuala Besut akan dijadikan gerbang pelancongan antarabangsa.

5,000 dijangka hadir

“Kerajaan negeri menganggarkan lebih 5,000 orang terdiri daripada nelayan, pengusaha dan pemandu bot pelancong serta penduduk hadir pada program itu nanti,” katanya ketika ditemui pada majlis makan malam meraikan media yang membuat liputan pada persidangan Dewan Undangan negeri (DUN) Te-

rengganu yang berakhir Khamis lalu.

Yang turut hadir, Yang Dipertua DUN, Datuk Mohd Zuber Embong dan Pengarah Unit Komunikasi negeri, Datuk Muda Mamat.

Ahmad Razif yang juga Pengerusi Badan Perhubungan UMNO negeri berkata, pada lawatan itu, Najib yang juga Presiden UMNO akan turut melakukan majlis pecah tanah Projek Perumahan Rakyat di Kampung Bukit Nenas, Tepoh, Kuala Nerus.